



UNIVERSITÄTS-
BIBLIOTHEK
PADERBORN

Praxis Meditationum S.P. Ignatii Loyolae

Diertins, Joseph

Solisbaci, 1708

Med. 35. Ejusdem Mysterii punctum 3.

[urn:nbn:de:hbz:466:1-60232](#)

laboret, ut sciam quid acceptum sit apud te. Sap. 9.

COLLOQ. Ad Christum, accusando & fatendo defectionem nostram; postulando, ut ex mysterio hoc, accedat nobis gratia ad ipsum ardenter amandum, & studiosius sequendum. RECOLLECTIO.

MEDITATIO XXXV.

De Vita Domini, ab anno etatis sua duodecimo, usque ad trigesimum.

Luc. 2. Myst. punct. 3.

CONG. More solito.

PRÆL. I. Christus videtur fabrilem artem exercuisse. *Nonne hic est faber?* Marc. 6.

PRÆL. II. Imaginem concipere domūs, quâ fabrilem artem exercuit.

PRÆL. III. Petere gratiam, imitandi mores & opera Christi Regis nostri.

PUNCTUM I. PERSONÆ. MEM. Convertamus iterum oculos mentis ad personam Christi in domo maternâ.

INTEL. Contemplemur illum, ut describitur Sap. 7. his verbis: *Sanctus, unicus, multiplex subtilis, disertus, mobilis, incoquinatus, certus, suavis, amans bonum, acutus, quem nihil vetat, benefaciens, humanus, benignus, stabilis,* & REFL. Cum hisce moribus comparemus nostros.

Vol.

VOL. Deploremus mores nostros plurimum
ab illis Christi diversos; conversi autem ad Christum,
toti in amorem ejus exardeciamus.

PUNCTUM II. VERBA. MEM. Audiamus Christum
dicente: *Pauper sum ego, & in laboribus à
juventute mea.* Psal. 87.

INTEL. Contemplemur horum verborum
partem primam, quâ non erubescit paupertate;
sed pauperem se disertè pronuntiat; idque
ut animos nobis addat, ad omnem indifferentiam
respectu divitarum, & paupertatis, ne à fine, &
à salute nostrâ abducamur. REFL. Concludamus
nos non esse sanæ mentis, si talibus Christi verbis
non moveamur, & si pergamus erubescere pau-
perem vitam.

VOL. Renovemus affectum indifferentiæ: di-
camus: *Metibi penitus offero, &c. cum verâ
tum spiritus; tum etiam rerum paupertate, si
(inquam) Sanctissima tua Majestati placeat ad
tale me vita institutum eligere, atque recipere.*
Offeramus nos quoque ad effectus paupertatis
sentiendos juxta Regulam 24. summ.

PUNCTUM III. OPERA. MEM. Videamus Chri-
stum fabri opera facientem. *Nonne hic est fa-
ber?* Marc. 6.

INTEL. Consideremus nunc alteram partem
verborum prioris puncti: *Et in laboribus à ju-
ventute mea.* REFL. Concludamus, quâm ignavi
milites simus nos, qui sub tali Rege, qui nobis ver-
bo, & opere inculcat: *Quisquis cōmecum venire
cupit,*

*cupit, laboret mecum necesse est, &c. tantoper
laborem horremus.*

VOL. Excutiamus, & detestemur ignaviam nostram: erigamus animos, & à rebus vanis, & mundanis nos recipientes, ad laborandum cum Rege nostro aspiremus. Simus pauperes in hoc mundo, divites in fide, & hæredes Regni, quod repromisit Deus diligentibus se. Jacob. 2.

COLLOQ. Ad Christum extollendo summam ipsius in nos bonitatem, de quo scriptum est. Cor. 8. *Scitis enim gratiam Domini nostri IESU Christi, quoniam propter vos egenus factus est, cum esset dives: ut illius in opia vos divites essetis.* Agamus gratias pro tanto in nos amore, postulando dona, & fructus Spiritus Sancti, ut tanto amori correspondeamus, ipsisque tanto studio sius serviamus, & adhærescamus.

RECOLLECTIO. REPETITIO. APPLICATIO SENSUUM.

NOTA.

Sequuntur Meditationes, quæ singulari quodam modo spectant, & dirigendæ sunt, ad statum secundum, sive perfectionis Evangelicæ, vide librum Exercitorum, & Explanationes.

MEDI-